

漢至晉一

八
八
鼓
琴

掃葉山房
石印

王閼運先生著

八
代
詩
選

掃葉山房石印 張定署



漢至晉一

八代詩選一

四言第一

長沙湘潭王闓運撰

韋孟

諷諫詩

肅肅我祖。國自豕韋。黼衣朱紱。四牡龍旂。彤弓斯征。撫寧遐荒。總齊群邦。以翼大商。迭彼大彭。勲績惟光。至於有周。歷世會同。王赦聽譖。實絕我邦。我邦既絕。厥政斯逸。賞罰之行。非繇王室。庶尹群后。靡扶靡衛。五服崩離。宗周以墜。我祖斯微。遷於彭城。在于小子。勤瘁厥生。阨此嫚秦。耒耜斯耕。悠悠嫚秦。上天不甯。乃眷南顧。授漢於京。於赫有漢。四方是征。靡適不懷。萬國攸平。乃命厥弟。建侯於楚。俾我小臣。惟傳是輔。矜矜元王。恭儉靜一。惠此黎民。納彼輔弼。享國漸世。垂烈於後。迺及夷王。克奉厥緒。咨命不永。惟王統祀。左右陪臣。斯惟皇士。如何我王。不思守保。不惟履冰。以繼祖考。邦事是廢。逸游是娛。犬馬悠悠。是放是驅。務此鳥獸。忽此稼苗。烝民以匱。我王以喻。所弘匪德。所親匪俊。惟圖是恢。惟諛是信。踰踰諛夫。諤諤黃髮。如何我王。曾不是察。既藐下臣。追欲縱逸。嫚彼顯祖。輕此削黜。嗟嗟我王。漢之睦親。曾不夙夜。以休令聞。穆穆天子。照臨下土。明明群司。執憲靡顧。正遐由近。殆其怙茲。嗟嗟我王。曷不思。

匪思匪監。嗣其罔則。彌彌其逸。岌岌其國。致冰匪霜。致墜匪嫚。瞻惟我王。時靡不練。興國救顛。孰違悔過。追思黃髮。秦穆以霸。歲月其徂。年其逮耆。於赫君子。庶顯於後。我王如何。曾不斯覽。黃髮不近。胡不時鑒。

在鄒詩

微微小子。既耆且陋。豈不幸位。穢我王朝。王朝肅肅。惟俊之廷。顧瞻余躬。懼穢此征。我之退征。請於天子。天子我恤。矜我髮齒。赫赫天子。明哲且仁。懸車之義。以洎小臣。嗟我小子。豈不懷土。庶我王寤。越遷於魯。既去禰祖。惟懷惟顧。祁祁我徒。戴負盈路。爰戾於鄒。翳茅作堂。我徒我環。築室於牆。我既遷逝。心存我舊。夢我瀆上。立於王朝。其夢如何。夢爭王室。其爭如何。夢王我弼。寤其外邦。歎其喟然。念我祖攷。泣涕其漣。微微老夫。咨既遷絕。洋洋仲尼。視我遺烈。濟濟鄒魯。禮義惟恭。誦習絃歌。異於他邦。我雖鄙耆。心其好而。我徒侃爾。樂亦在而。

東方朔

誠子詩

明者處世。莫尚於中。優哉遊哉。於道相從。首陽為拙。柳惠為工。飽食安步。以仕代農。依隱玩世。說時不達。才盡身危。好名得華。有群累生。孤貴失和。遺餘不匱。自盡無多。

聖人之道。一龍一蛇。形見神藏。與物變化。隨時之宜。無有常家。

王昭君

怨詩

秋木萋萋。其葉萎黃。有鳥處山。集於芭桑。養育毛羽。形容生光。既得升雲。上遊曲房。離宮絕曠。身體摧藏。志念抑沈。不得頡頏。雖得委食。心有徊徨。我獨伊何。來往變常。翩翩之燕。遠集西羌。高山戕戕。河水泱泱。父兮母兮。道里悠長。嗚呼哀哉。憂心惻傷。

張衡

怨篇

猗猗秋蘭。植彼中阿。有馥其芳。有黃其葩。雖曰幽深。厥美彌嘉。之子之遠。我勞如何。

朱穆

與劉伯宗絕交詩

北山有鷗。不潔其翼。飛不正向。寢不定息。饑則木櫬。飽則泥伏。饕餮貪污。臯腐是食。填腸滿膝。嗜欲無極。長嗚呼鳳。謂鳳無德。鳳之所趨。與子異域。永從此訣。各自努力。

仲長統

述志詩

飛鳥遺跡。蟬蛻亡殼。騰蛇棄鱗。神龍喪角。至人能變。達士拔俗。乘雲無轡。騁風無足。垂露成幃。張霄成幄。沆瀣當餐。九陽代燭。恆星豔珠。朝霞潤玉。六合之內。恣心所欲。人事可遺。何為局促。大道雖夷。見幾者寡。任意無非。適物無可。古來繚繞。委曲如瑣。百慮何為。至要在我。寄愁天上。埋憂地下。叛散五經。滅棄風雅。百家雜碎。請用從火。抗志山西。游心海左。元氣為舟。微風為柁。翱翔太清。縱意容冶。

秦嘉

贈婦

曖曖白日。引曜西傾。啾啾雞雀。群飛赴楹。皎皎明月。煌煌列星。嚴霜悽愴。飛雪覆庭。寂寂獨居。寥寥空室。飄飄挂帳。熒熒華燭。爾不是居。帷帳何施。爾不是照。華燭何為。無名人

善哉行

來日大難。口燥脣乾。今日相樂。皆當喜歡。經歷名山。芝草飜飜。仙人王喬。奉藥一丸。自惜袖短。內手知寒。慚無靈轍。以報趙宣。月沒參橫。北斗闌干。親交在門。飢不及餐。歡日尚少。戚日苦多。以何忘憂。彈箏酒歌。淮南八公。要道不煩。參駕六龍。遊戲雲端。

曹操

短歌行

對酒當歌。人生幾何。譬如朝露。去日苦多。慨當以慷。憂思難忘。何以解憂。惟有杜康。青青子衿。悠悠我心。但為君故。沈吟至今。呦呦鹿鳴。食野之苹。我有嘉賓。鼓琴吹笙。明明如月。何時可掇。憂從中來。不可斷絕。越陌度阡。枉用相存。契闊談讌。心念舊恩。月明星稀。烏鵲南飛。繞樹三匝。何枝可依山。不厭高。海不厭深。周公吐哺。天下歸心。步出東西門行。

雲行雨步。超越九江之皋。臨觀異同心。意懷游豫。不知當復何從。經過至我碣石。心惆悵我東海。

東臨碣石。以觀滄海。水何澹澹。山島竦峙。樹木叢生。百草豐茂。秋風蕭瑟。洪波湧起。日月之行。若出其中。星漢燦爛。若出其裡。幸甚至哉。歌以詠志。觀滄海。

孟冬十月。北風徘徊。天氣肅清。繁霜霏霏。鷗鷺晨鳴。鴻雁南飛。鰲鳥潛藏。熊羆窟栖。錢鏹停置。農收積場。逆旅整設。以通賈商。幸甚至哉。歌以詠志。冬十月。

鄉土不同。河朔隆寒。流澌浮漂。舟船行難。錐不入地。薑糲深奧。水寂不流。冰堅可蹈。士隱者貧。勇俠輕非。心常歎怨。戚戚多悲。幸甚至哉。歌以詠志。土不同。神龜雖壽。猶有竟時。騰蛇乘霧。終為土灰。老驥伏櫪。志在千里。烈士暮年。壯心不已。

盈縮之期。不但在天。養怡之福。可得永年。幸甚至哉。歌以詠志。 龜雖壽

王粲

贈蔡子篤詩

翼翼飛鸞。載飛載東。我友云徂。言戾舊邦。舫舟翩翩。以泝大江。蔚矣荒塗。時行靡通。慨我懷慕。君子所同。悠悠世路。亂離多阻。濟岱江行。邈焉異處。風流雲散。一別如雨。人生寔難。願其弗與。瞻望遐路。允企伊貯。烈烈冬日。肅肅淒風。潛鱗在淵。歸雁在軒。苟非鴻雕。孰能飛翻。雖則追慕。予思罔宣。瞻望東路。慘愴增歎。率彼江流。爰逝靡期。君子信誓。不遷於時。及子同寮。生死固之。何以贈行。言授斯詩。中心孔悼。涕淚連沍。嗟爾君子。如何勿思。

贈士孫文始

天降喪亂。靡國不夷。我暨我友。自彼京師。宗守盪失。越用遁違。遷於荆楚。在漳之湄。在漳之湄。亦克宴處。和通荒墳。比德車輔。既度禮義。卒獲笑語。庶茲永日。無訾厥緒。雖曰無僭。時不我已。同心離事。乃有逝止。橫此大江。淹彼南紀。我思弗及。載坐載起。惟彼南祀。君子居之。悠悠我心。薄言慕之。人亦有言。靡日不思。矧伊嫵婉。胡不悽而。晨風夕逝。託與之期。瞻仰王室。慨其永歎。良人在外。誰佐天官。四國方阻。俾爾歸藩。

爾之歸藩。作式下國。無曰蠻裔。不虔汝德。慎爾所主。率由嘉則。龍雖勿用。志亦靡忒。悠悠澹澹。鬱彼唐林。雖則同域。邈其迴深。白駒遠志。古人所箴。允矣君子。不遐厥心。既往既來。無密爾音。

贈文叔良

翩翩者鴻。率彼江濱。君子於征。爰聘西鄰。臨此洪渚。伊思梁岷。爾行孔邈。如何勿勤。君子敬始。慎爾所主。謀言必賢。錯說申輔。延陵有作。儔肝是與。先民遺跡。來世之規。既慎爾主。亦迪知幾。探情以華。覩著知微。視明聽聰。靡事不惟。董褐荷名。胡寧不師。衆不可蓋。無尚我言。梧宮致辯。齊楚構患。成功有要在。衆思歡人之多忌。掩之實難。瞻彼黑水。滔滔其流。江漢有卷。允來厥休。二邦若否。職汝之由。緬彼行人。鮮克弗留。尚哉君子。異於他仇。人誰不勤。無厚我憂。惟詩作贈。敢咏在舟。

應瑒

報趙淑麗

朝雲不歸。夕結成陰。離群獨宿。永思長吟。有鳥孤棲。哀鳴北林。嗟我懷矣。感物傷心。魏文帝曹丕

短歌行

仰瞻帷幕。俯察几筵。其物如故。其人不存。神靈倏忽。棄我遐遷。靡瞻靡恃。泣涕連連。呦呦游鹿。銜草鳴鳧。翩翩飛鳥。挾子巢棲。我獨孤茆。懷此百離。憂心孔疚。莫我能知。人亦有言。憂令人老。嗟我白髮。生一何早。長吟永歎。懷我聖考。曰仁者壽。胡不是保。秋胡行二首

堯任舜禹。當復何為。百獸率舞。鳳凰來儀。得人則安。失人則危。惟賢知賢。人不易知。歌以詠言。誠不易移。鳴條之役。萬舉必全。明德通靈。降福自天。

汎汎綠池。中有浮草。寄身流波。隨風靡傾。芙蓉含芳。萼萼垂榮。朝采其實。夕佩其英。采之遺誰。所思在庭。雙魚比目。鴛鴦交頸。有美一人。婉如清揚。知音識曲。善為樂方。善哉行二首

上山采薇。薄暮苦饑。谿谷多風。霜露沾衣。野雉群雌。猿猴相追。還望故鄉。鬱何壘壘。高山有屋。林木有枝。憂來無方。人莫之知。人生如寄。多憂何為。今我不樂。歲月如馳。湯湯川流。中有行舟。隨波轉薄。有似客遊。策我良馬。被我輕裘。載馳載驅。聊以忘憂。有美一人。婉如清揚。妍姿巧笑。和媚心腸。知音識曲。善為樂方。哀絃微妙。清氣含芳。流鄭激楚。度宮中商。感心動耳。綺麗難忘。離鳥夕宿。在彼中洲。延頸鼓翼。悲鳴相求。眷然顧之。使我心愁。嗟爾昔人。何以忘憂。

煌煌京洛行

天天園桃無子空長。虛美難假。偏輪不行。淮陰五刑。烏盡弓藏。保身全名。獨有子房。
大憤不收。褒衣無帶。多言寡誠。祇令事敗。蘇秦之說。六國以亡。傾側賣主。車裂固當。
賢矣陳軫。忠而有謀。楚懷不從。禍卒不救。禍夫吳起。智小謀大。西河何健。伏尸何劣。
嗟彼郭生。古之雅人。智矣燕昭。可謂得臣。我我仲連。齊之高士。北辭千金。東蹈滄海。
黎陽作

朝發鄴城。夕宿韓陵。霖雨載塗。輿人困窮。載馳載驅。沐雨櫛風。舍我高殿。何為泥中。
壯昔周武。爰暨公旦。載主南征。救民塗炭。彼此一時。惟天所讚。我獨何人。能不靖亂。
殷殷其雷。濛濛其雨。我徒我車。涉此艱阻。遵彼洹湄。言刈其楚。班之中路。塗潦是御。
麟麟大車。載低載昂。嗷嗷僕夫。載仆載僵。蒙塗冒雨。沾衣濡裳。

陳思王植

上責躬詩

於穆顯考。時惟武皇。受命於天。寧濟四方。朱旗所拂。九土披攘。玄化滂流。荒服來王。
超商越周。與唐比蹤。篤生我皇。奕世載聰。武則肅烈。文則時雍。受禪於漢。君臨萬邦。
萬邦既化。率由舊則。廣命懿親。以藩王國。帝曰爾侯。君茲青土。奄有海濱。方周於魯。

車服有輝。旗章有叙。濟濟雋人。我弼我輔。伊予小子。恃寵驕盈。舉挂時網。動亂國經。作藩作屏。先軌是隳。傲我皇使。犯我朝儀。國有典刑。我削我紕。將寘於理。元凶是率。明明天子。時惟篤類。不忍我刑。暴之朝肆。違彼執憲。哀予小臣。改封充邑。於河之濱。股肱弗置。有君無臣。荒淫之闕。誰弼予身。兢兢僕夫。於彼冀方。嗟予小子。乃罹斯殃。赫赫天子。恩不遺物。冠我玄冕。要我朱紱。光光大使。我榮我華。剖符授玉。王爵是加。仰齒金璽。俯執聖策。皇恩過隆。祇承怵惕。咨我小子。頑凶是嬰。逝慙陵墓。存愧闕庭。匪敢傲德。惟恩是恃。威靈改加。足以沒齒。昊天罔極。生命不圖。常懼顛沛。抱罪黃墟。願蒙矢石。建旗東嶽。庶立毫釐。微功自贖。危軀授命。知足免戾。甘赴江湘。奮戈吳越。天啟其衷。得會京畿。遲奉聖顏。如渴如飢。心之云慕。愴矣其悲。天高聽卑。皇肯照微。應詔詩。

肅承明詔。應會皇都。星陳夙駕。秣馬脂車。命彼掌徒。肅我征旅。朝發轡臺。夕宿蘭渚。芒芒原隰。祁祁士女。經彼公田。樂我稷黍。爰有樛木。重陰匪息。雖有餽糧。饑不遑食。望城不過。面邑不游。僕夫警策。平路是由。玄駟諠諠。揚鑣漂沫。流風翼衡。輕雲承蓋。涉澗之濱。緣山之隈。遵彼河澨。黃坂是階。西躋關谷。或降或升。駢駟倦路。載寢載興。將朝聖皇。匪敢宴寧。弭節長驚。指日遄征。前驅舉燧。後乘抗旌。輪不輟運。鑾無廢聲。

爰暨帝室。稅此西墉。嘉詔未賜。朝覲莫從。仰瞻城闕。俯惟闕庭。長懷永慕。憂心如醒。朔風詩

仰彼朔風。用懷魏都。願騁代馬。倏忽北徂。凱風永至。思彼蠻方。願隨越鳥。飀飛南翔。四氣代謝。懸景運周。別如俯仰。脫若三秋。昔我初遷。朱華未晞。今我旋止。素雪云飛。俯降千仞。仰登天阻。風飄蓬飛。載離寒暑。千仞易陟。天阻可越。昔我同胞。今永乖別。子好芳草。豈忘爾貽。繁華將茂。秋霜悴之。君不垂眷。豈云其誠。秋蘭可喻。桂樹冬榮。絃歌蕩思。誰與銷憂。臨川慕思。何為泛舟。豈無和樂。游非我鄰。誰忘汎舟。愧無榜人。矯志詩

芝桂雖芳。難以餌烹。尸位素餐。難以成名。磁石引鉄。於金不連。大朝舉士。愚不聞焉。抱璧塗乞。無為貴寶。履仁遘禍。無為貴道。鴛鴦遠害。不羞卑棲。靈虬避難。不恥汚泥。都蔗雖甘。杖之必折。巧言雖美。用之必滅。濟濟唐朝。萬邦作孚。逢蒙雖巧。必得良弓。聖主雖知。必得英雄。螳螂見歎。齊士輕戰。越王軾蛙。國以死獻。道遠知驥。世偽知賢。覆之幬之。順天之矩。澤如凱風。惠如時雨。口為禁闥。舌為發機。門機之闔。格矢不追。

稽康

幽憤詩

嗟余薄祜。少遭不造。哀榮靡識。越在襁褓。母兄鞠育。有慈無威。恃愛肆姐。不訓不師。爰及冠帶。憑寵自放。抗心希古。任其所尚。託好老莊。賤物貴身。志在守樸。養素全真。曰余不敏。好善闇人。子玉之敗。屢增惟塵。大人含弘。藏垢懷恥。民之多僻。政不由己。惟此褊心。顯明臧否。感悟思愆。怛若創痛。欲寡其過。謗議沸騰。性不傷物。頻致怨憎。昔慙柳惠。今愧孫登。內負宿心。外慙良朋。仰慕嚴鄭。樂道閒居。與世無營。神氣晏如。咨予不淑。嬰累多虞。匪降自天。實由頑疏。理弊患結。卒致囹圄。對答鄙訕。繫此幽阻。實恥訟寃。時不我與。雖曰義直。神辱志沮。澡身滄浪。豈云能補。嗷嗷鳴雁。奮翼北游。順時而動。得意忘憂。嗟我憤歎。曾莫能儔。事與願違。遘茲淹留。窮達有命。亦又何求。古人有言。善莫近名。奉時恭默。咎悔不生。萬石周慎。安親保榮。世務紛紜。祇攬予情。安樂必誠。乃終利貞。煌煌靈芝。一年三秀。予獨何為。有志不就。懲難思復。心焉內疚。庶勛將來。無馨無臭。采薇山阿。散髮岩岫。永嘯長吟。頤性養壽。

贈秀才入軍

穆穆惠風。扇彼輕塵。奕奕素波。轉此遊鱗。伊我之勞。有懷佳人。寤言永思。實鍾所親。所親安在。舍我遠邁。棄此孫芷。襲彼肅艾。雖曰幽深。豈無顛沛。言念君子。不遐有害。良馬既閒。麗服有暉。左攬繁弱。右接忘歸。風馳雷逝。躡景追飛。凌厲中原。顧盼生姿。

輕車迅邁。息彼長林。春木載榮。布葉隨陰。習習谷風。吹我素琴。交交黃鳥。顧儔弄音。感悟馳情。思我所欽。心之憂矣。永嘯長吟。浩浩洪流。帶我邦畿。萋萋綠林。奮榮揚暉。魚龍澆澆。山鳥群飛。駕言出遊。日夕忘歸。思我良朋。如渴如飢。願言不獲。愴矣其悲。息徒蘭圃。秣馬華山。流磻平皋。垂綸長川。目送歸鴻。手揮五絃。俯仰自得。游心太玄。嘉彼釣叟。得魚忘筌。郢人逝矣。誰與盡言。閒夜肅清。朗月照軒。微風動桂。組帳高褰。旨酒盈樽。莫與交歡。鳴琴在御。誰與鼓彈。仰慕同趣。其馨若蘭。佳人不存。能不永歎。琴詩自樂。遠游可珍。含道獨往。棄智遺身。寂乎無累。何求於人。長寄靈嶽。怡志養神。流俗難悟。逐物不還。至人遠鑒。歸之自然。萬物為一。四海同宅。與彼共之。予何所惜。生若浮寄。暫見忽終。世故紛紜。棄之入戎。澤雉雖飢。不願園林。安能服御。勞形苦心。身貴名賤。榮辱何在。貴得肆志。縱心無悔。

荀勗

從武帝華林園宴

習習春陽。帝出乎震。天施地生。以應仲春。思文聖皇。順時秉仁。欽若靈則。飲御嘉賓。

洪恩普暢。慶乃衆臣。其慶惟何。錫以帝祉。肆覲群后。有客戾止。外納要荒。內延卿士。簫管詠德。八音咸理。凱樂飲酒。莫不宴喜。

張華

勵志詩

大儀幹運。天迴地遊。四氣鱗次。寒暑環周。星火既夕。忽焉素秋。涼風振落。熠燿宵流。吉士思秋。實感物化。日與月與。往再代謝。逝者如斯。曾無日夜。嗟爾庶士。胡寧自舍。仁道不遐。德輶如羽。求馬斯至。衆鮮克舉。大猷玄謨。將抽厥緒。先民有作。貽我高矩。雖有淑姿。放心縱逸。出般於遊。居多暇日。如彼梓材。弗勤丹漆。雖勞樸斲。終負素質。養由矯矢。獸號於林。蒲蘆縈織。神感飛禽。末伎之妙。動物應心。研精軌道。安有幽深。安心恬蕩。棲志浮雲。體之以質。彪之以文。如彼南畝。力耒既勤。薦蓂致功。必有豐殷。水清成川。載瀾載清。土積成山。歆蒸鬱冥。山不讓塵。川不辭盈。勉爾含弘。以隆德聲。高以下基。洪由纖起。川廣自源。人成在始。累微以著。乃物之理。纒牽之長。實累千里。復禮終朝。天下歸仁。若金受礪。若泥在鈞。進德修業。輝光日新。隰朋仰慕。予亦何人。太康六年三月三日後園會。暮春元日。陽氣清明。祁祁甘雨。膏澤流盈。習習祥風。啟滯導生。禽鳥翔逸。卉木滋榮。

纖條被綠。翠華含英。於皇我后。欽若昊乾。順時省物。言觀中園。燕及群辟。乃命乃延。合樂華池。被濯清川。汎彼龍舟。汴游洪源。朱幕雲覆。列坐文茵。羽觴波騰。品物備珍。管絃繁會。變用奏新。穆穆我皇。臨下渥仁。訓以慈惠。詢納廣神。好樂無荒。化達無垠。咨予微臣。荷寵明時。忝思於外。攸攸三期。犬馬惟慕。天實為之。靈啟其願。邀顧在茲。於以表情。爰著斯詩。

傳玄

短歌行

長安高城。層樓亭亭。千雲四起。上貫天庭。蜉蝣何整。行如軍征。蟋蟀何感。中夜哀鳴。蚍蜉愉樂。粲粲其榮。寤寐念之。誰知我情。昔君視我。如掌中珠。何意一朝。棄我溝渠。昔君與我。如影如形。何意一去。心如流星。昔君與我。兩心相結。何意今日。忽然兩絕。答程曉詩

弈弈兩儀。昭昭太陽。四氣代升。三朝受祥。濟濟群后。我我聖皇。元服肇御。配天垂光。伊州作範。王室惟康。顯顯兆民。蠢蠢戎獯。率土充廷。萬國奉藩。皇澤雲行。神化風宣。六合咸熙。遐邇同歡。赫赫明明。天人合和。下罔遺滯。焦朽斯華。矧我良朋。如玉之嘉。穆穆雖雖。興頌作歌。